

Liebi Fraue düend mer doch bitte nömm kilometerwit norene
ich wett doch au mol min Frede ha ond en rue chönne penne
velecht hät ich be mim Name halt doch ned selle übertriebe
ond ofem Volkszähligsboge ned David Hasselhoff aneschriebe

Do händ doch z`Bärn vor em Bondeshus esch das ned onnerhört
es paar so frächi Puure es Fueeder Mescht vor Tör he glärt
wo do spöter en Bärner de Huufe gseht do meint de ganz frustriert
ou höt händs den em Bondeshus weder rächt Mescht produziert

Spare spare spare spare spare nüt als spare
spare spare spare spare mer wärdes no erfahre
spare spare spare spare an alle Egge ond Ände
bes z`letscht chas Fernseh DRS nor no all Schaltjohr sände

Es tuet er Schwyz kein s`Lächle me vor Mona Lisa vermissen
den mer händ e eusem Land doch jetz d`Chantal Bournissen
blocht die die steile Häng dorab of de Lippe es strahlends Lache
den ghörsch d`Walliser am Fernseh nor no uiii uiii uiii mache

De Radwäg of Röfenach werd ned bout doch wemm dueni das verzelle
ich möcht euch dromm a dere Stell en Alternative vorstelle
öber d`Fäldwäg chönnte eusi Schüeler zor Kläralag abe radle
ond vo det of Röfenach meteme Kanu padle

En Arbeitsgroppe het usegfonde er Zitig han ichs gseh stoh
be eusere Schuelalag em Lee sig de grossi Service no
well jetz sig au no s`Dach kabott also wenn das woher esch
werd för eusi Schüeler dank s`Helm träge au obligatorisch

Met de Refuna heizisch suber ond guet hesch emmer warmi Ohre
doch wens den om d`Finanze goht regsch di uf wiene moore
de Peter Strauss entscholdiget sechs s`nächst mol müend ned lache
loni secher d` Abrächning nömm vo de Tour de Bschiss lo mache

Be dem Hochhus do vis a vis vo de Gmei het mer de Hueber gseit
heiged sie be de Planig do vollgendes überleit
störmts ond schneyts hets zwenig Platz ond niemer wott nassi Socke
jo denn cha me de wenigstens enand no of d`Scholtere hocke

Er Zitig onder Läserbrief tüend paar Persone morre
wenn mer Busfahre tüen tüen eus d`Schofföre nor aknorre
all dene han ich jetz en Typ müend met em Gäld ned spaare
wenn er en nätte Schofför wänd so düend doch A Post Fahre

Es donklet scho em Oberdorf ond schneyelet ganz liisli
was esch säb för es Liechtli det obe em Herschehüüsli
det esch es Felmtteam jetz dehei ond felmt s`esch ned zom glaube
no die letschte Bsoffne bevor de Sponnte duet verstaube

Das eus kei Häxeschoss me ploget kei Grepp ond kei Migrääne
das mer kei Schmärze me händ e de Bei em Rogge met de Zähne
das weder Vollmond no Soff eus quält das leu sech rechte mini liebe
mer müessi nor vom Neuquartier d`Starchstromleitig verschiebe

Der Komedi⁹¹

Wänd er me bsueche? Ich be dehei onder „www.komedi.ch“